

Na osnovu člana 16. stav 4. Zakona o Vladi Zeničko - dobojskog kantona – Prečišćeni tekst (“Službene novine Zeničko-dobojskog kantona”, broj 7/10), a u vezi sa članom 52. stav 1. tačka 2. Zakona o organizaciji organa uprave u Federaciji Bosne i Hercegovine (“Službene novine Federacije Bosne i Hercegovine”, broj 35/05) i članom 8. stav 1. tačka a) Uredbe o načelima za utvrđivanje unutarnje organizacije kantonalnih i općinskih organa uprave i upravnih organizacija (“Službene novine Zeničko-dobojskog kantona”, broj 8/06), Vlada Zeničko-dobojskog kantona, na prijedlog Ministarstva za poljoprivredu, šumarstvo i vodoprivredu, na nastavku 107. sjednice, održanoj 18.04.2013. godine, d o n o s i

ZAKLJUČAK

I.

Daje se saglasnost na Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta Ministarstva za poljoprivredu, šumarstvo i vodoprivredu Zeničko-dobojskog kantona – Sistematizacija radnih mjesta Veterinarskog zavoda, broj: 05-34-6022/13 od 14.3.2013. godine.

II.

Zadužuje se Ministarstvo za poljoprivredu, šumarstvo i vodoprivredu da tri potpisana i ovjerena primjerka Pravilnika iz tačke I. ovog zaključka dostavi Stručnoj službi Vlade radi ovjere saglasnosti, nakon čega će jedan primjerak biti dostavljen Ministarstvu za pravosuđe i upravu, jedan primjerak Sekretarijatu za zakonodavstvo, a jedan primjerak vraćen Ministarstvu za poljoprivredu, šumarstvo i vodoprivredu Zeničko-dobojskog kantona.

III.

Zaključak stupa na snagu danom donošenja.

Broj: 02-_____/13.
Datum, 18.04.2013. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za poljoprivredu,
šumarstvo i vodoprivredu,
1x a/a.

Na osnovu člana 52. stav (1) tačka 2) *Zakona o organizaciji organa uprave u Federaciji Bosne i Hercegovine* ("Službene novine Federacije Bosne i Hercegovine", broj: 35/05), člana 6. stav 3. *Zakona o državnoj službi u Federaciji Bosne i Hercegovine* („Službene novine Federacije Bosne i Hercegovine“) broj: 29/03, 23/04, 39/04, 54/04, 67/05, 8/06, 4/12), koji se shodno odredbi člana 1. stav (1) *Zakona o preuzimanju Zakona o državnoj službi u Federaciji Bosne i Hercegovine* („Službene novine Zeničko-dobojskog kantona“, broj: 3/12), primjenjuje kao kantonalni zakon i člana 8. stav (1) tačka a) *Uredbe o načelima za utvrđivanje unutarnje organizacije kantonalnih i općinskih organa uprave i upravnih organizacija* ("Službene novine Zeničko-dobojskog kantona", broj: 8/06), ministar Ministarstva za poljoprivredu, šumarstvo i vodoprivredu, uz saglasnost Vlade Zeničko-dobojskog kantona, d o n i o j e :

P R A V I L N I K

o izmjenama i dopunama Pravilnika o unutrašnjoj organizaciji i sistematizaciji radnih mjesta Ministarstva za poljoprivredu, šumarstvo i vodoprivredu Zeničko - dobojskog kantona

Član 1.

(predmet Pravilnika)

Ovim Pravilnikom vrše se izmjene i dopune Pravilnika o unutrašnjoj organizaciji i sistematizaciji radnih mjesta Ministarstva za poljoprivredu, šumarstvo i vodoprivredu Zeničko - dobojskog kantona u poglavlju III član 3. – Sistematizacija radnih mjesta Veterinarskog zavoda (upravna organizacija u sastavu Ministarstva) broj: 02-34-34440-10/05 od 11.2.2005. godine, 05-34-4843-1-4/06 od 19.6.2006. godine, 05-21613-2/07 od 8.10.2007. godine i broj 05-34-23343/10 od 27.9.2010. godine.

Član 2.

(dopuna uslova u pogledu stručne spreme)

U Sistematizaciji radnih mjesta Veterinarskog zavoda za radno mjesto pod rednim brojem 2. „*Stručni saradnik veterinarskog javnog zdravstva i epizootiologije*“ i radno mjesto pod rednim brojem 3. „*stručni saradnik za upravljanje kvalitetom*“, „*uslovi u pogledu stručne spreme, drugi uslovi, stepen složenosti*“ brišu se riječi „*veterinarski fakultet*“ i dodaju riječi „*diploma visokog obrazovanja, odnosno prvog, drugog ili trećeg ciklusa bolonjskog sistema studiranja (sa najmanje 180 ECTS bodova), veterinarske struke*“.

Član 3.

(Dan stupanja na snagu)

Ovaj Pravilnik stupa na snagu danom davanja saglasnosti od strane Vlade Zeničko-dobojskog Kantona.

Broj: _____ / 13
Zenica, 14.3.2013. god.

MINISTAR
Bojan Bošnjak
Bojan Bošnjak

O b r a z l o ž e n j e

za donošenje Pravilnika o izmjenama i dopunama Pravilnika o unutrašnjoj organizaciji i sistematizaciji radnih mjesta Ministarstva za poljoprivredu, šumarstvo i vodoprivredu
Zeničko - dobojskog kantona

I PRAVNI OSNOV

Pravni osnov za donošenje Pravilnika o izmjenama i dopunama Pravilnika o unutrašnjoj organizaciji i sistematizaciji radnih mjesta Ministarstva za poljoprivredu, šumarstvo i vodoprivredu Zeničko - dobojskog kantona je sadržan u članu 52. stav (1) tačka 2) Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/05), članu 6. stav 3. Zakona o državnoj službi u Federaciji Bosne i Hercegovine („Službene novine Federacije Bosne i Hercegovine“) broj: 29/03, 23/04, 39/04, 54/04, 67/05, 8/06, 4/12), koji se shodno odredbi člana 1. stav (1) Zakona o preuzimanju Zakona o državnoj službi u Federaciji Bosne i Hercegovine („Službene novine Zeničko-dobojskog kantona“, broj: 3/12), primjenjuje kao kantonalni zakon i člana 8. stav (1) tačka a) Uredbe o načelima za utvrđivanje unutarnje organizacije kantonalnih i općinskih organa uprave i upravnih organizacija ("Službene novine Zeničko-dobojskog kantona", broj: 8/06).

II RAZLOZI DONOŠENJA

Izmjene i dopune Pravilnika o unutrašnjoj organizaciji i sistematizaciji radnih mjesta Ministarstva za poljoprivredu, šumarstvo i vodoprivredu Zeničko - dobojskog kantona - Sistematizacija radnih mjesta Veterinarskog zavoda, vrše se iz razloga usklađivanja istog u pogledu uslova utvrđene stručne spreme za navedena radna mjesta sa uslovima u pogledu stručne spreme po bolonjskom sistemu studiranja. Takođe, kao razlog za izmjenu i dopunu navodimo i činjenicu da smo dobili saglasnost za raspisivanje konkursa za popunu ovih upražnjenih radnih mjesta, a popuna nam je hitno potrebna, jer je jedini izvršilac koji je radio na radnom mjestu „stručni saradnik veterinarskog javnog zdravstva i epizootiologije“ umro dana 11.3.2013. godine, tako da sada imamo upražnjena dva radna mjesta navedenog stručnog saradnika.

Iz svega navedenog predlažemo da se da saglasnost na Pravilnik o izmjenama i dopunama Pravilnika o unutrašnjoj oragnizaciji Ministarstva za poljoprivredu, šumarstvo i vodoprivredu – Sistematizacija radnih mjesta Veterinarskog zavoda.

III FINANSIJSKA SREDSTVA

Za izmjene i dopune sistematizacije i popunu radnih mjesta „stručni saradnik za upravljanje kvalitetom“ i „stručni saradnik veterinarskog javnog zdravstva i epizootiologije“ obezbjeđena su sredstva u Budžetu ovog Ministarstva za za poljoprivredu, šumarstvo i vodoprivredu – Veterinarskom zavodu za 2013. godinu.

Obradivač akta:

Kakujjo Mujić

MINISTAR
Bojan Bošnjak
Bojan Bošnjak